

45
Viuæ vocis oraculum

S. D. N. P A V L I P A P A E V.

Super receptione Nouitiorum ad Congregationem,
& Ordinem Min. Conuen. Reformatorum.



MARCELLVS miseratione Diuina tt. SS. Quirici, & Iulite S. R. E. Presb. Card. LANTES
nuncupatus Ord. Min. Conuentualium Protector, Correktor, & Gubernator.



Ouerint vniuersi præsentes nostras literas inspecturi, quod hodierna infrascripta die in Palatio Apostolico M̄ntis Quirinalis Sanctiss. in Christo Pater, & Dominus noster D. Paulus diuina Prudentia Papa Quintus viuæ vocis oraculo nobis factō conceſſit, & indulſit, vt dilecti nobis in Christo Reuerendi Patres Custodes Minorū Conuentualium Reformatorum in Prouincijs Neapolis, & Siciliæ, nunc, & pro tempore existentes Christifideles, qui atatem annorum sexdecim excedant, cupientes ingredi suam Religionem, & Congregationem, & admitti in Nouitios, & fratres eiusdem Cōgregationis, & Ordinis, quocumq; anni tempore extrā Capitula Generalia, vel Prouincialia iuxta eorum confuetudinem haētenuſ obſeruataī (petita tamen, & obtenta prius licentia à Ministro Generali ordinis Min. Conuent. & eo absente à Procuratore Generali eiusdem ordinis, vel à Pro uintialibus dictorum Min. Conuent. administrationi Conuentuum, Domorum, & locorum, in eisdem Prouincijs Praefectis, ac ferauata forma Regulæ, & Constitutionum dictæ Congregationis) recipere, & admittere possint, & valeant. Hac tamen limitatione adiecta, vt pro Conuentibus, Domibus, & locis Regni Siciliæ sexdecim ad Clericatum idonei, & totidem Laici, & pro Conuentibus, Domibus, & locis Regni Neapolis duodecim pariter ad Clericatum idonei, & duodecim Laici, nec plures recipiant, ac ita numerus huiusmodi in Nouitiatibus cōseruetur, vt in locum eorum, qui ante edita professionem, vel discesserint, vel diem clauserint extreum, aut quacumq; ex causa defecerint, alij ad præfatum numerum adimplendum liberè recipi possint, & admitti. In quorum omnium, & singulorum fidem, & testimonium præsentes per Secretarium nostrum fieri fecimus, & nostra manu subscriptis, sigilli nostri, quo in talibus uitimur, iussimus impressione muniri. Datum Romæ ex ædibus nostris die 12. Mensis Octobris Anno à Natiuitate D. N. Iesu Christi 1609. Pontificatus vero eiusdem Sanctiss. D. N. Pauli V. Anno Quinto.

M. Card. Lantes Protector.

Sanctus Orlandius Secretarius.

R O M A E, Ex Typographia Reuerenda Camera Apostolica M D C I X.

